

ქ. თბილისი

ერთი მხრივ, სსიპ „საქართველოს კომუნიკაციების ეროვნული კომისია“ (შემდგომში შემსყიდველი), წარმოდგენილი მისი თავმჯდომარის კახი ბექაურის სახით და მეორე მხრივ შპს „ნიუ-კარტი“ (შემდგომში მიმწოდებელი), წარმოდგენილი მისი დირექტორის კახა შანიძის სახით, „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად, 2017 წლის 27 ივნისს გამოცხადებული გამარტივებული ელექტრონული ტენდერის ჩატარების შედეგად (ტენდერის კოდი: SPA170008820, შესყიდვის კატეგორია CPV-30199730), ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში ხელშეკრულება) - „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე, შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, დამატებით და ასევე ყველა დოკუმენტაციით, რომლებზეც ხელშეკრულებაში არის მინიშნებული.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს საქონლის შესყიდვას სახელმწიფო შესყიდვის შესახებ ხელშეკრულების შესაბამისად.
- 1.5. „მიმწოდებელი“ - იურიდიული პირი, რომელიც შემსყიდველს აწვდის საქონელს სახელმწიფო შესყიდვის შესახებ ხელშეკრულების შესაბამისად.
- 1.6. „მიღება-ჩაბარების აქტი“ - წერილობითი დოკუმენტი, რომელიც ფორმდება საქონლის მიღების შემდეგ.
- 1.7. შესყიდვის ობიექტი - ხელშეკრულების მე-2 მუხლში მითითებული საქონელი.

2. ხელშეკრულების საგანი

- 2.1. წინამდებარე ხელშეკრულების პირობების შესაბამისად, მიმწოდებელი შემსყიდველს მიაწვდის 3 500 (სამი ათას ხუთასი) ერთეულ სავიზიტო ბარათს დანართი N1-ის შესაბამისად.
- 2.2. შესყიდვის ობიექტის დეტალური აღწერა მოცემულია დანართი N1-ში, სახელმწიფო შესყიდვების ერთიან ელექტრონულ სისტემაში - შემსყიდველის სატენდერო განცხადებასა და მიმწოდებლის სატენდერო წინადადებაში, რომელიც წარმოადგენს ამ ხელშეკრულების განუყოფელ ნაწილს.

3. ხელშეკრულების ღირებულება

ხელშეკრულების ჯამური ღირებულება შეადგენს 595.00 (ხუთას ოთხმოცდათხუთმეტი) ლარს საქართველოს კანონმდებლობით გათვალისწინებული გადასახადების ჩათვლით.

4. ანგარიშსწორების ფორმა და ვადები

- 4.1. შემსყიდველი მიმწოდებელთან ანგარიშსწორებას ახორციელებს მიმწოდებლის მიერ, მითითებულ საბანკო ანგარიშზე თანხის გადარიცხვით ეროვნულ ვალუტაში.
- 4.2. მიმწოდებელთან ანგარიშსწორება იწარმოებს საქონლის მიღების თაობაზე, მიღება-ჩაბარების აქტის შემსყიდველის მხრიდან ხელმოწერიდან და შესაბამისი ინვოისის წარდგენიდან 5 (ხუთი) სამუშაო დღის ვადაში.

5. საქონლის მიწოდების ვადები და პირობები

5.1. შეკვეთიდან გამომდინარე, მიმწოდებელი პირველ ეტაპზე უზრუნველყოფს შემსყიდველისთვის საორიენტაციოდ 2 800 (ორი ათას რვაასი) ცალი სავიზიტო ბარათის მიწოდებას წინამდებარე ხელშეკრულების გაფორმებიდან 7 (შვიდი) კალენდარული დღის განმავლობაში, ხოლო დარჩენილი 700 (შვიდასი) ერთეულის (საორიენტაციოდ) მიწოდება განხორციელდება 2017 წლის განმავლობაში, მოთხოვნიდან არაუმეტეს 5 (ხუთი) კალენდარული დღისა მისამართზე: ქ. თბილისი, ქეთევან წამებულის გამზირი/ბოჭორმის ქ. №50/18.

5.2. საქონელი მიღებულად ჩაითვლება შემსყიდველსა და მიმწოდებელს შორის საბოლოო მიღება-ჩაბარების აქტის გაფორმების შემდეგ.

6. სტანდარტები და გარანტია

6.1. მიმწოდებელი ვალდებულია უზრუნველყოს ხარისხიანი და სტანდარტების შესაბამისი საქონლის მიწოდება.

6.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი საქონლის დეფექტის ან ნაკლის აღმოფხვრა.

6.3. მიმწოდებლის მიერ ამ ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები დეფექტის ან ნაკლის გამოსწორებისათვის და მიმწოდებელს მოსთხოვოს შესაბამისი ხარჯების ანაზღაურება ან გამოქვითოს ეს თანხა მიმწოდებლისათვის გადასახდელი თანხიდან.

7. მხარეთა უფლება-ვალდებულებები

7.1. შემსყიდველი უფლებამოსილია:

7.1.1. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი;

7.1.2. საქონლის მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტი.

7.2. შემსყიდველი ვალდებულია:

7.1.1. უზრუნველყოს მიმწოდებლისათვის მიღებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

7.1.2. უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიმწოდებელს გაუწევს შესაბამის კონსულტაციას.

7.3. მიმწოდებელი უფლებამოსილია მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია მიაწოდოს სათანადო ხარისხის საქონელი სრული მოცულობით.

8. ხელშეკრულებით ნაკისრი ვალდებულებების შესრულების კონტროლი და შემოწმება

8.1. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე ან/და შეამოწმოს საქონლის შესაბამისობა ხელშეკრულებით გათვალისწინებულ მოთხოვნებთან.

8.2. ხელშეკრულებით ნაკისრი ვალდებულებების შესრულებაზე კონტროლის და შემოწმების განხორციელების უფლება ენიჭებათ შემსყიდველის ადმინისტრაციაში დასაქმებულებს ლევან გაგუასა და პავლე ანთელავას, რომლებიც არ იმყოფებიან მიმწოდებელთან ინტერესთა კონფლიქტში.

8.3. შემსყიდველის მხრიდან საქონლის მიღება-ჩაბარების აქტზე ხელმოწერის უფლებამოსილება ენიჭება შემსყიდველის ადმინისტრაციაში დასაქმებულ პავლე ანთელავას.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრებათ პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 1 პროცენტს, მხარე იტოვებს უფლებას შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების ან/და დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულება შეიძლება შეწყდეს ვადაზე ადრე მხარეთა შეთანხმებით ან კანონმდებლობით გათვალისწინებულ შემთხვევებში.

10.3. ხელშეკრულების ერთ-ერთი მხარის მიერ, ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, აღნიშნულის თაობაზე მეორე მხარისათვის წერილობითი შეტყობინების შემდეგ.

10.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულების შესრულებისაგან.

10.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ ასევე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრ ვალდებულებების შესრულებას;

ბ) მიმწოდებლის გაკოტრების ან/და ლიკვიდაციის შემთხვევაში;

გ) თუ მისთვის ცნობილი გახდა, რომ მიმწოდებლის მიერ წარმოდგენილი დოკუმენტაცია ყალბია;

დ) საქართველოს კანონმდებლობით გათვალისწინებულ სხვა შემთხვევებში.

10.6. ამ მუხლის 10.5. პუნქტის ა) ქვეპუნქტში მითითებულ შემთხვევაში, შემსყიდველი ვალდებულია აუნაზღაუროს მიმწოდებელს ფაქტობრივად მიწოდებული საქონლის ღირებულება.

11. გამოყენებული სამართალი და ხელშეკრულების ენა

11.1. ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

11.2. ხელშეკრულება დაიწერა ქართულ ენაზე, ორ ეგზემპლარად და ორივე ეგზემპლარს აქვს თანაბარი იურიდიული ძალა.

12. გადასახადები და დაბეგვრა

მიმწოდებელი პასუხს აგებს საქართველოს კანონმდებლობით დადგენილი გადასახადის, მოსაკრებლის და სხვა გადასახდელების გადახდაზე.

13. დაუძლეველი ძალა

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.

13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის შესახებ.

13.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, მხარეები უფლებამოსილნი არიან დავის გადასაწყვეტად მიმართონ საქართველოს შესაბამის სასამართლოს, საქართველოს კანონმდებლობის შესაბამისად.

15. ინტერესთა კონფლიქტის თავიდან აცილება

წინამდებარე სახელმწიფო შესყიდვის მოსამზადებელ ეტაპზე შემსყიდველის მიერ გარკვეულია, რომ შემსყიდველის მიერ არ არის დარღვეული „სახელმწიფო შესყიდვების შესახებ“ საქართველოს კანონით განსაზღვრული ინტერესთა კონფლიქტის დებულებები.

16. ხელშეკრულების მოქმედების ვადა

ხელშეკრულება ძალაში შედის ხელმოწერის დღიდან და მოქმედებს 2018 წლის 31 იანვრის ჩათვლით.

შემსყიდველი:

მიმწოდებელი:

სსიპ „საქართველოს კომუნიკაციების ეროვნული კომისია“ მისამართი: ქ. თბილისი, ქეთევან წამებულის გამზირი/ზოჭორმის ქ. №50/18 საიდ. კოდი: 204953050 სს „თი ბი სი ბანკი“ ბანკის კოდი: 220101830 ა/ა: GE11TB0600000000609326	შპს „ნიუ-კარტი“ მისამართი: ქ. თბილისი, ვაჟა ფშაველას გამზ. N43 საიდ. კოდი: 205293323 სს „თი ბი სი ბანკი“ ა/ა: GE82TB7600336020100002
--	--

კომისიის თავმჯდომარე

კახი ბეგაური



დირექტორი

ვანა მანუძე



დანართი N1

N	შესყიდვის ობიექტი	რაოდენობა	შესყიდვის ობიექტის მახასიათებლები	ერთეულის ღირებულება	ჯამური ღირებულება
1	სავიზიტო ბარათი	3500 (სამი ათას ხუთასი) ცალი	ტილოს ფაქტურაიანი ქაღალდი (5X9) 300 გრ. თეთრი ფერის ერთმხრივი, ქართულ და ინგლისურ ენებზე. ფერადი, ციფრული ბეჭდვა.	0.17 ლარი	595.00 ლარი დღგ-ს ჩათვლით

შენიშვნა: შეკვეთიდან გამომდინარე, მიმწოდებელი პირველ ეტაპზე უზრუნველყოფს შემსყიდველისთვის საორიენტაციოდ 2 800 (ორი ათას რვაასი) ცალი სავიზიტო ბარათის მიწოდებას წინამდებარე ხელშეკრულების გაფორმებიდან 7 (შვიდი) კალენდარული დღის განმავლობაში, ხოლო დარჩენილი 700 (შვიდასი) ერთეულის (საორიენტაციოდ) მიწოდება განხორციელდება 2017 წლის განმავლობაში, მოთხოვნიდან არაუმეტეს 5 (ხუთი) კალენდარული დღისა.

შემსყიდველი:

მიმწოდებელი:

სსიპ „საქართველოს კომუნიკაციების ეროვნული კომისია“ მისამართი: ქ. თბილისი, ქეთევან წამებულის გამზირი/ბოჭორმის ქ. №50/18 საიდ. კოდი: 204953050 სს „თი ბი სი ბანკი“ ბანკის კოდი: 220101830 ა/ა: GE11TB060000000609326	შპს „ნიუ-კარტი“ მისამართი: ქ. თბილისი, ვაჟა ფშაველას გამზ. N43 საიდ. კოდი: 205293323 სს „თი ბი სი ბანკი“ ა/ა: GE82TB7600336020100002
---	---

კომისიის თავმჯდომარე

კახი ბექაური



ინფორმაცია ინტერესთა კონფლიქტის შესახებ


ქ. თბილისი

14

ივლისი 2017 წ.

„ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების მე-5 მუხლის მე-6 პუნქტის შესაბამისად, 2017 წლის 14 ივლისის N1407/3 სახელმწიფო შესყიდვის შესახებ ხელშეკრულების შესრულების კონტროლსა და ზედამხედველობის განხორციელებისთვის განსაზღვრული ქვემოთ ჩამოთვლილი პირები ხელის მოწერით ვადასტურებთ, რომ საქართველოს კომუნიკაციების ეროვნული კომისიის მიერ, 2017 წლის 27 ივნისს გამოცხადებულ გამარტივებულ ელექტრონულ ტენდერში (SPA170008820) გამარჯვებულ პრეტენდენტთან, შპს „ნიუ-კარტთან“ არ ვიმყოფებით ინტერესთა კონფლიქტში.

ლევან გაგუა



პავლე ანთელავა

